

Kòman Sekirite Sosyal Ka Ede Ou Lè Yon Manm Nan Fanmi Ou Mouri



Sekirite Sosyal ta dwe resevwa notifikasyon Simedyatman lè yon moun mouri. Nan pifò ka yo, responsab ponp finèb la rapòte lanmò moun yo bay Sekirite Sosyal. Ou ap bezwen founi responsab ponp finèb la nimewo Sekirite Sosyal moun ki mouri a, pou responsab ponp finèb la ka fè rapò a.

Sèten manm nan fanmi moun ki mouri an kapab resevwa benefis Sekirite sosyal si moun ki mouri an te travay ase lontan pandan li t ap kontribiyè nan Sekirite sosyal pou kapab kalifye pou benefis. ***Ou ta dwe pran kontak avèk Sekirite Sosyal touswit, pou asire ke fanmi an resevwa tout seri benefis li gen dwa pou li jwenn.*** Tanpri, li enfòmasyon sa yo avèk atansyon pou ou ka konnen ki benefis ki disponib.

- Moun ki te marye avèk moun ki mouri a ka jwenn \$255 ke yap ba li yon sèl fwa, si li t ap viv ansanm avèk moun ki mouri a. Oubyen, si li te separe avèk moun ki mouri a epi li te deja ap resevwa kèk benefis Sekirite Sosyal sou dosye moun ki mouri a. Si moun ki mouri a pa gen moun ki te marye avèk li ki vivan toujou, timoun ki elijib pou benefis nan mwa lanmò a sou dosye moun ki mouri a, ka resevwa benefis.
- Kèk manm nan fanmi a **kapab elijib** pou resevwa benefis pa mwa, tankou :
 - Yon vèf oswa vèf ki gen 60 lane, oswa pi plis (50 ane, oswa pi plis si moun nan enkapasite);
 - Yon vèf oswa yon vèf ki gen nenpòt ki laj k ap swen pitit moun ki mouri an ki gen mwens pase 16 zan oswa ki andikape;
 - Pitit moun ki mouri a, ki pa marye, a kondisyon li:
 - Pi jenn pase 18 tan (oswa jiska 19 lane si li elèv la ap frekante aprentan yon lekòl primè oswa segondè); oubyen
 - Gen 18 lane oswa pi plis, epi li gen yon enkapasite ki te kòmanse anvan timoun nan te genyen laj 22 lane.
 - Pitit konjwen an, pitit-pitit, pitit-pitit konjwen an oswa yon timoun ki adopte nan sèten sikonstans ;
 - Paran moun ki mouri a, ki gen 62 lane, oswa pi plis, epi ki te depann de moun ki mouri a pou omwen mwatye sipò li; epi

— Yon moun ki te marye avèk moun ki mouri a epi yo te divòse. Nan ka sa a gen kèk sikonstans ki pou prezante.

Si moun ki mouri a t ap resevwa benefis Sekirite Sosyal, ou dwe retounen benefis li te resevwa pou mwa li mouri a bay biwo Sekirite Sosyal, oubyen pou mwa ki vin apre lanmò a. Pa egzanzp, si moun nan mouri nan mwa jiyè, ou dwe retounen benefis mwa out la. Si benefis yo te ale dirèk labank sou fòm depo dirèk, kontakte bank la oswa lòt enstitisyon finansyè a. Mande pou yo retounen bay Sekirite Sosyal nenpòt kantite lajan ki te resevwa pou mwa lanmò a oswa pou mwa ki vin apre lanmò a. Si benefis yo te peye sou fòm chèk pape, pa chanje okenn chèk pou mwa moun nan mouri a oswa pou mwa apre lanmò a. Retounen chèk yo bay Sekirite Sosyal san pèdi tan.

Men tou, manm fanmi elijib yo ka an mezi pou yo resevwa benefis lanmò pou mwa benefisyè a (moun ki t ap resevwa benefis yo) mouri.

Kontakte Sekirite Sosyal

Pou jwenn plis enfòmasyon ak kopi piblikasyon nou yo, ale nan sou Entènèt nan sitwèb nou an www.socialsecurity.gov, oswa rele gratis nan nimewo **1-800-772-1213** (pou moun ki soud oswa ki mal pou tande, rele nan nimewo TTY nou, **1-800-325-0778**). Nou trete tout apèl yo an sekre. Si ou pale lang Panyòl, peze 2. Pou tout lòt lang yo, peze 1, rete sou liy lan, epi rete an silans pandan w ap tande yon vwa k ap ba ou enstriksyon otomatik jouk lè yon anplwaye reponn. Anplwaye a ap kontakte yon entèprèt pou ede li avèk apèl ou a. Sèvis entèprèt la disponib pou gratis. Nou ka reponn kesyon espesifik yo ant 7 a.m. ak 7 p.m., lendi jiska vandredi. Nou kapab bay enfòmasyon nan lang Angle yon sèvis telefòn otomatik ki fonksyone 24 èdtan pa jou.

Nou vle asire nou tou ke ou resevwa bon jan enfòmasyon avèk jantiyès. Se pou rezon sa a ke genyen yon dezyèm reprezantan Sekirite Sosyal pou kontwòle kèk apèl telefonik.

